

ORDENANZA Nº 25

ORDENANZA FISCAL REGULADORA DA TAXA POLA PRESTACIÓN DE SERVIZOS NA “GALERÍA DE SERVIZOS DE NAVIA”

ACORDO DE IMPOSICIÓN DA TAXA POLA PRESTACIÓN DE SERVIZOS EN GALERÍAS MUNICIPAIS:

En uso das facultades concedidas polos artigos 4 e 106 da lei 7/1985 de 2 de abril reguladora das Bases de réxime local, e de conformidade no disposto nos artigos 15 a 19 e 20 a 27 do RDL 2/2004 de 5 de marzo polo que se aproba o texto refundido da lei reguladora das Facendas locais, o Concello de Vigo establece a taxa pola prestación dos servizos de mantemento das Galerías Municipais.

ORDENANZA FISCAL REGULADORA DA TAXA POLA PRESTACIÓN DE SERVIZOS NA “GALERÍA DE SERVIZOS DE NAVIA”.

ARTIGO 1.- FEITO IMPOÑIBLE.

1.- Constitúe o feito imponible da presente taxa a prestación de servizos ou a realización de actividades consistentes na vixilancia, mantemento e reparación das Galerías de Servizos Municipais, que afecten ou beneficien ás empresas usuarias das citadas Galerías por teren instalados nelas tuberías, cables, fíos condutores ou calquera outro elemento.

2.- A presente taxa de prestación de servizos é compatible coa existencia das taxas pola utilización privativa ou aproveitamento especial do dominio público local calquera que fose ou réxime de cuantificación segundo o previsto no artigo 24 do RDL 2/2004 e Ordenanzas Fiscais números 30 e 35 do Concello de Vigo.

ARTIGO 2.- SUXEITO PASIVO.

Son suxeitos pasivos da presente taxa as empresas usuarias das Galerías, que fosen titulares de tuberías, cables, fíos condutores ou calquera outro elemento que se instale nas Galerías de Servizos obxecto de mantemento Municipal.

ARTIGO 3.- EXENCIONS E BONIFICACIONS.

Agás o previsto en normas con rango de lei ou tratados internacionais, non se admitirán exencións nin bonificacións nestas taxas.

ARTIGO 4.- COTA TRIBUTARIA.

A cota tributaria total será o importe do custe do servizo -minorado entre un 10%-20%- por razóns de interese xeral.

A cota tributaria individual será o resultado de repartir a cota tributaria total entre os diferentes usuarios do servizo e determinarase conforme as seguintes regras:

1. Establécese unha cota polo uso da galería por cada unidade-bandexa de 60 cm² de sección (10cm x 6cm) de 7.400€/ano. No caso de que a ocupación se realice en bandexas de 20 cm de ancho, ou superior a 10 cm de ancho tributará como dúas unidades.

2. Establécese unha cota polo uso da galería por cada tubería e condución eléctrica de ata 16 cm de diámetro, de 12.500€/ano. No caso de tuberías ou conducións eléctricas nas que a superficie da sección sexa superior á equivalente a 16 cm de diámetro (201,06 cm²), a cota incrementarase proporcionalmente á superficie da sección.

3. A cota mínima anual para cada empresa usuaria do servizo será de 7.400€/ano, con independencia do grao de ocupación da galería. Esta cota mínima xustifícase no compoñente de custos xerados pola xestión individual de cada empresa usuaria (permisos, control de accesos, consumo eléctrico, etc.).

4. Tendo en conta as regras anteriores, a cota tributaria aplicada para cada rede presente nas galerías de Navia será a seguinte:

* Rede identificada como "Unión Fenosa": 79.600 €/ano, correspondente a 4 unidades-bandexa e a 4 unidades tubería-condución eléctrica.

* Rede identificada como "R. Cable y Telecomunicacións": 14.800 €/ano, correspondente a 2 unidades-bandexa.

* Rede identificada como "Aqualia": 12.500€/ano, correspondente a 1 unidade tubería-condución eléctrica.

* Rede identificada como "Comenersol": 7.400€/ano correspondente a 4 unidades-bandexa.

* Rede identificada como “Digi Spain Telecom”: 7.400€/ano correspondente a 4 unidades-bandexa.

* Rede identificada como “Vodafone”: 7.400€/ano correspondente a 4 unidades-bandexa.

A identificación das redes de tuberías, cables, fíos de condución eléctrica e demais realizada neste punto 4 non implica a determinación da empresa suxeito pasivo da taxa, que se define de acordo co artigo número 2 da presente Ordenanza e coa normativa tributaria vixente.

5. No caso de que a ocupación das galerías se modificase con posterioridade ao 1 de xaneiro de 2024, o servizo de xestión tributaria variará a cota imputable a cada suxeito pasivo de acordo coa situación de feito, aplicando as cotas previstas no punto 1, 2 e 3.

ARTIGO 5.- PERÍODO IMPOSITIVO E DEVENGO.

A taxa devengarase o primeiro día de cada semestre natural e o período impositivo comprenderá dito semestre coas seguintes matizacións:

a) No suposto de inicio do servizo con posterioridade ao primeiro día de cada semestre, o período impositivo comprenderá o semestre natural completo no que se produza aquel inicio, calquera que fose o tempo de utilización dentro de dito semestre.

b) No suposto de cese do servizo con anterioridade ao último día de cada semestre, o período impositivo comprenderá o semestre natural completo dentro do que se produza o cese

ARTIGO 6.- NORMAS DE XESTIÓN E INGRESO.

1.- As empresas usuarias das Galerías, suxeitos pasivos desta taxa practicarán autoliquidación e ingreso da mesma por períodos semestrais, no primeiro mes de cada semestre ou no mes seguinte no caso de inicio de utilización da Galería.

2.- Os Servizos Enerxéticos da Concellería de Fomento comunicarán aos Servizos Tributarios do Concello o número de unidades de ocupación de cada titular coas especificacións necesarias para verificación e comprobación das autoliquidacións practicadas.

ARTIGO 7.- INFRACCIÓNS E SANCÍONS.

En todo o relativo a infraccións tributarias e ás súas calificacións, así como ás sancións que correspondan, estarase ao disposto na Ordenanza Fiscal Xeral, Lei 58/2003 de 17 de decembro Xeral Tributaria, e restante normativa de aplicación.

DISPOSICIÓN FINAL.

Esta modificación entrará en vigor ao día seguinte da súa publicación no BOP e comezará a aplicarse o 1 de xaneiro de 2024 permanecendo vixente en tanto non se acorde a súa modificación ou derogación expresa.

PUBLICACIÓN B.O.P.:

23 DE DECEMBRO DE 2013

4 DE DECEMBRO DE 2023